



Број: Т18 0 КТРС 0003050 22 2
Брчко, 20.12.2023. године

OSNOVNOM SUDU
BRČKO DISTRIKTA BiH

Na osnovu člana 35 stav (1) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m

OPTUŽNICU

Protiv:

PEKIĆ SENADA ... rođen ... 1961. godine u Brčkom [...]

Što je:

Za vrijeme oružanog sukoba u Bosni i Hercegovini, u toku vojne akcije 108. brigade HVO za Bosansku Posavinu i napada na selo Bukvik, na teritoriji predratne opštine Brčko, u mjestu Mali Bukvik, kao komandir II voda V čete I bataljona 108. HVO brigade, postupio suprotno pravilima međunarodnog humanitarnog prava i odredbi člana 3 stav (1) tačka a) Ženevske konvencije o zaštiti građanskih lica za vrijeme rata od 12.08.1949. godine, kojom je propisana zabrana ubistava lica koja ne učestvuju neposredno u neprijateljstvima, kada je, dana 15.09.1992. godine u toku čišćenja Bukvika, oko 11.00 časova sa NN licem došao do civila srpske nacionalnosti koji su se nalazili u zbjegu u šumu ispod kuće M. Đ, sa lijeve strane puta Bukvik prema Malom Bukviku i koji su uzvikivali da se predaju, pa čim su prišli civilima, NN lice i Pekić Senad zv. Bula izdvojili su iz skupine braću R, G. i C. i iz vojnog vatrenog oružja iz neposredne blizine pucali u njih svjesni da će ih lišiti života, što su i htjeli, i na licu mjesta, pred njihovom majkom, ubili braću R, a potom su izdvojili civila K. I. i na isti način, iz neposredne blizine, iz vojnog vatrenog oružja pucali u I. svjesni da će ga lišiti života što su i htjeli, i ubili K. I,

dakle, kršeći pravila međunarodnog prava za vrijeme oružanog sukoba izvršio ubistvo civila,

čime bi:

kao saizvršilac učinio krivično djelo - Ratni zločin protiv civilnog stanovništva - iz člana 142. Krivičnog zakona SFRJ u vezi sa članom 22. Krivičnog zakona SFRJ.

[...]

Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
